



Bou ons kinders vir môre

Sondagskool 2

Lestitel: Die geboorte van Johannes die Doper - Maria en Elizabeth

'n Ouerhandleiding

Sondagskooltuisonderrig



Liewe Ouer

Welkom by die les: “**Die geboorte van Johannes die Doper - Maria en Elizabeth**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die geboorte van Johannes die Doper - Maria en Elizabeth
Bybelwoord	Lukas 1: 1-25 en Lukas 1: 57-80
Lesdoelwit	Die kinders leer dat God sy beloftes nakom.

Lesopsomming:

- Sagaria was een van die priesters in die tempel.
- Een oggend, terwyl hy besig was om die wierookoffer by die altaar in die tempel te brand, verskyn daar 'n engel van die Here met die naam Gabriël aan Sagaria.
- Die engel het hom 'n seun belowe en dat hy Johannes genoem moes word. God het hierdie kind uitverkies om die weg vir Jesus Christus voor te berei. Later, as volwassene, word die seun Johannes die Doper genoem, omdat hy mense gedoop het nadat hulle hul sondes bely en bekeer het.
- Sagaria was verskrik en verward en omdat hy en sy vrou, Elizabeth, baie oud was het hy die engel nie geglo nie. Dit was vir hulle menslik onmoontlik om 'n kind te hê.
- Vanweë sy ongeloof het die engel gesê dat Sagaria stom sal wees totdat die belofte nagekom word. Toe hy die tempel verlaat kon hy nie praat nie.
- Ongeveer ses maande nadat Sagaria hierdie hemelse boodskap ontvang het, verskyn dieselfde engel aan Maria in Nasaret en belooft dat sy ook 'n seun sal hê en dat sy hom Jesus moet noem. Maria het die engel dadelik geglo.
- Elizabeth en Maria was familie.
- Maria was so opgewonde oor haar groot vreugde dat sy dit met iemand moes deel. Dit is alles so geheimsinnig.
- Sy het besluit om Elizabeth te besoek en het drie maande by haar gebly.
- Albei het uitgesien na die geboorte van hul kinders.
- Die belofte van die engel is vervul. Hulle het beide hul kinders gebaar en hulle genoem soos die engel gesê het.



Wat beteken hierdie les vandag vir ons?

- Beide kinders is deur 'n engel van die Here belowe, en beide beloftes is nagekom.
- Maria het geglo wat die engel gesê het, maar Sagaria het dit nie gedoen nie en hy is gestraf weens sy ongeloof.
- God se beloftes word ook aan ons bekend gemaak.
- Ons glo dat die belofte van Jesus se wederkoms om ons te kom haal, vervul sal word en ons berei ons daarop voor.
- Die eerste opstanding sal die begin wees van onbeskryflike vreugde.

Ons moet altyd, ongeag wat gebeur, God se beloftes glo en vertrou.

Sommige vrae wat ons kan vra:

Vraag: Wat was die naam van die priester in die tempel?

Antwoord: Sagaria

Vraag: Waarom is Sagaria met stomheid geslaan?

Antwoord: Hy het nie geglo wat die engel gesê het nie

Vraag: Wat was die naam van Sagaria en Elizabeth se seun?

Antwoord: Johannes, later bekend as Johannes die Doper

'n Gebed vir Pappa en Mamma om voor die les te bid:

Liewe God, baie dankie vir hierdie dag,

Seën alle ouers en kinders, Mag ons u teenwoordigheid aanvoel

Seën die les wat ons gaan lê, Leer ons hoe om U te dien, En help ons om u wil te doen, Sodat ons nader aan U kan groei

Stuur Jesus om ons te kom haal, En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie., Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.